

Ang B.C. Fair PharmaCare Plan

Ang Fair PharmaCare plan ay tumutulong sa British Columbians sa mga gastos sa eligible na de-resetang gamot at designated medical supplies.

Ang Fair PharmaCare coverage ay batay sa kita o income.
Kapag mas mababa ang iyong income, mas malaki ang tulong na makukuha mo.
Walang gastos upang magrehistro at walang mga babayarang premium.

Sino ang maaaring mag-enroll sa Fair PharmaCare?

- Ang B.C. residents na may active Medical Services Plan (MSP) coverage.
- Ang enrollment ay ginagamit para sa bawat **pamilya**. Ikaw, ang iyong asawa (kung may asawa ka), at sinumang dependent children na nasa parehong kontrata ng B.C. MSP tulad mo o ng iyong asawa ay kabilang sa pamilya.

Paano ba ako magrehistro?

- [Online](#), sa telepono, o sa mail. Tingnan ang pahina 2 para sa impormasyon.

Ano ang kailangan ko upang magrehistro para sa plan?

Para sa lahat ng mga kapamilya:

- Personal Health Number, makikita sa iyong B.C. Services Card
- Petsa ng kapanganakan

Para sa iyo at sa iyong asawa:

- Social Insurance Number
- Net income mula sa nakaraang dalawang taon (Line 23600 ng iyong income tax returns)
- Ang halaga ng anumang Registered Disability Savings Plan (RDSP) income na natanggap noong nakaraang dalawang taon (Line 12500)

Pagkatapos mo magrehistro:

- Padadalhan ka namin sa mail ng isang pormularyo ng pahintulot, upang mapahintulutan kaming i-check ang iyong income sa Canada Revenue Agency (CRA).
- Pirmahan at isauli ang pormularyo ng pahintulot.
- Itse-check namin ang iyong net income sa CRA.

Ang iyong coverage ay aaplay sa mga eligible na gamot at medical supplies na bibilhin mo pagkatapos mo magrehistro.

Isang beses ka lamang kailangang magrehistro. Automatic ang pag-update ng iyong level of coverage bawat taon.


Kailangan ko bang i-update ang aking impormasyon kung ito'y nagbago?

Hindi mo kailangang i-update ang iyong impormasyon sa income. Ang iyong income ay tsine-check sa CRA bawat taon. Pero kung may pagbabago sa iyong pamilya (halimbawa, may nag-asawa, paghiwalay, diborsyo, o kamatayan), mangyaring kontakin kami upang maiakma namin ang tulong na iyong natatanggap.

...2

Paano gumagana ang Fair PharmaCare?

Sa ilalim ng Fair PharmaCare plan, babayaran mo ang gastos ng iyong pamilya sa mga de-resetang gamot hanggang umabot ka sa iyong deductible. Kapag umabot ka na sa iyong deductible, tutulungan ka ng PharmaCare na bayaran ang mga eligible na gastos hanggang sa katapusan ng taon.



Ano ang mga “eligible” na gastos?

- Ang mga eligible na gastos ay ang mga maximum na halaga na babayaran ng PharmaCare para sa isang de-resetang gamot, medical supply, o isang pharmacy dispensing fee.
- Ang mga eligible na gastos lamang ang mabibilang para sa iyong **deductible** at **family maximum**.

Ano ang aking “deductible”?

- Ang deductible ay ang halaga ng pera na kailangang gastusin ng iyong pamilya bawat taon para sa eligible na gastos sa de-resetang gamot at medical supplies bago simulang bayaran ng PharmaCare ang **70%** ng iyong eligible na gastos.
- Kung mayroong indibidwal sa isang pamilya na ipinanganak bago ng 1940, ang pamilyang iyon ay tatanggap ng 75% coverage.

Ano ang aking “family maximum”?

- Ang family maximum ay ang halaga ng pera na kailangang gastusin ng iyong pamilya bawat taon para sa eligible na gastos sa de-resetang gamot at medical supplies bago simulang bayaran ng PharmaCare ang **100%** ng iyong eligible na gastos.

Gaano ang halaga ng tulong na makukuha ko?

- Ang tulong ay batay sa iyong family net income mula sa nakaraang dalawang taon. Halimbawa, ang iyong assistance level para sa 2021 ay batay sa net income ng iyong pamilya para sa 2019.
- Para sa estimate ng iyong coverage, magpunta sa www.gov.bc.ca/pharmacare/fairpharmacare-estimator.

Paano kung kailangan ko ng karagdagang tulong?

- Mangyaring kontakin ang Health Insurance BC kung ang iyong net income ay bumaba nang 10% o mahigit pa sa nakaraang dalawang taon. Ikaw ay maaaring eligible para sa mas malaking tulong.
- Kung nahihirapan kang bayaran ang iyong deductible sa simula ng taon, maaari mo itong bayaran bawat buwan gamit ang Monthly Deductible Payment Option.
- Para sa karagdagang impormasyon tungkol sa Increased Assistance o Monthly Deductible Payment Option, magpunta sa www.gov.bc.ca/pharmacare/increasedassistance.

Ang matatawagan kung kailangan ng impormasyon

Magrehistro para sa Fair PharmaCare:

my.gov.bc.ca/ahdc

Bisitahin ang PharmaCare website:

www.gov.bc.ca/pharmacare

Tawagan ang Health Insurance BC (HIBC):

Mula Vancouver at Lower Mainland:

604-683-7151

Mula sa ibang lugar sa B.C.:

1-800-663-7100

Ang Health Insurance BC (HIBC) ang namamahala sa PharmaCare at Medical Services Plan.
 Ang HIBC Customer Service Agents ay available Lunes hanggang Biyernes, 8 AM - 8 PM at Sabado 8 AM - 4 PM.